

So phengys adavka tai chaches, dui jandariy ale tai pangle lengoro drom!

– So keren tume athe, kay doba?

– Ame... Jas amenge khere...

– Dokumentura tumare!?

– O, avdies janen, achile bud bilache bukiy... Me, iklistiliom andi sig, tai upral mande nanai dokumenty... Kaika chai nashaldili. Muli lakiri dai! Astarghys dar, iekhe pishimnastar, iekhe duvariye... Othe sine xramome “Meribe e romenge”...

– Akhe chuka! Davka sa, ka penes les ko bare terney! Dikhav tut gogyver sinyn, mishto vorbis i chib, ama i buti si peske buti... Phiren, anglal amende o dui-da jene!...

Mukle les ki yvin. Ov, irisailo andre tai ki informaciy phuchlys lake.

– Bichalgym la ki bolnica... – bi vogeskoro pengys leske o dejurno berin-deri.

– Save bolnica? – chinde vogiesar phuchlys ov. Axailo sar leskere changa xarnioven, tai i godi zatabliovel.

– Nashti penav tuke. Dikh ke denilengoro than, “Shtaratinoni”... Shai te ovel othe...

– Chak otte!? Davka si but dure!

– O, tu te na manges, te thoven la ko parlamentos?!

Ov, maisailo savo drom te dolel. Te jalas peske ando gav, ka jalas leskoro sasto dies, te na jala pash late, ashtine, oi te denilhoval chaches panda po-but. Iblol na dikhistili leske edikhi deneli. Te ovenas len mobifony, ka shunenas pes mashkar peste...

Nai-shukar si te astarel iek taksi, te jal, ji ki bolnica, te lel la, tai othar te jan peske kupate khere...

O taksi uxlyvgys les anglal e denilengiri bolnica. Achilo bi lovengoro. Ko vudar na mukle les. Nakhlo palal. Dikhlys sosi jamiendar. Nai ko agor dikhlys la, kai terghol ande ieke chuche odayte, uryvdi ande varesave salke shexiende, save den len ki bolnica... Ex, te ovenas les love! Ka pokinelas kolkeske, kate beshel ko vudar. Tovghs inati te jarel. Se, ka ikalenas la ji avri... Zajargys, bokhalo, khino...